



Stanislaus

Pataszowski Casimiri Stanislaus Stabilitas peren-
nantis glorie, solidae virtutis et meritis
D. M. Petri Jac. Luceński innixa.





44
STABILITAS

Perennantis Gloriæ,
Solidæ Virtuti & Meritis

Perillustris olim Clarissimi & Admodum Reverendi Domini

**D.M. PETRI
STANISLAI
ŁUZENSKI,**

Sacræ Theologiæ Doctoris & Professoris Ecclesi-
arum Collegiatarum; S. ANNÆ Præpositi,
S. Georgij in Arce Crac: Custodis, Parochi-
alis in Siepraw Curati,

I N N I X A;



Et dum mortales ejus exuviæ
Magno Ordinum Academicorum dolore
in Ecclesia Collegiata S. ANNÆ conderentur;

Lugubri Calamô

A

M. CASIMIRO STANISLAO PALASZOWSKI,
Philosophiæ Doctore, Regio & Tyliciano Eloquentiæ Pro-
fessore, Collega Majore, Ecclesiæ S. Annæ Canonico,

DELINEATA.

Annô Domini 1728. Die 2. Martij.

CRACOVIAE, TYPIS ACADEMICIS.

hhh.²⁷

21.419 III

STABILITAS

Perennantis Gloriæ
Solidæ Virtuti & Meritis
I N N I X A.

Dædali & Myrones

Vestris desinite inludare operibus,
quæ omnia

inevitabilis fatorum ictus
citiùs ruinat, quàm assurgunt.
Leve folium de Paradisi arbore
falx Libitinæ ubi præcidit,
protinus nullis parcit
Artis & naturæ structuris.

*Fluctibus sunt operta,
qua procul à maris conspectu erant.
Vastavit ignis colles, per quos elucebat.
Aristæ fluctuant, ubi Pergama stabant.*
Statuæ, Pyramides, Obelisci,

si suis prostant in fragmentis,
ostendunt mæroris signum;
quòd gravem non evitaverint lapsum.

Rhodij Colossi

Solis quidem retineht nomen,
Sed pridem æquati Solo,
nec amplius fumigant
qui orienti animabantur luce.

Theba-

.d d d

Thæbarum mænibus
fuffecit ad interitum ruinarum fonus,
quos Amphionis Cythara struxit.

Nimirum
ftabile in Orbe nihil,
Occidit, quod furgit.
Breve abripit momentum,
Quidquid lenta tulit materies finis.
Vesper vespere traditur;
Nobisq; taciti diffugiunt dies.

Miseros Mortales!

Reparant suum interitum luna.
Confurgunt aliquando in meliùs,
quæ graviter ceciderunt.

Ipsa injuria sæpe facit
majori fortunæ locum.

Sola hominum conditio
dum conditur solo, amplius non affurgit;
Immo veriùs loquar.

Cadunt nunquam mortales,
quos Virtus & Sapientia obfirmat.

Non utiq; edaci tempore
læditur integritas probitatis.

Virefcentes Doctorum Laureæ,
non igneo Eatorum fulmine feriuntur.
Stant ipsis ruinis & casibus firmantur.
Hoc Tua docta & solida probatur Virtute

Perillustris olim Clarissime & Admodum Reverende Domine,

**D. M. P E T R E
S T A N I S L A E
Ł U Z E N S K I,**

Sacræ Theologiæ Doctor & Professor &c.

**Cujus, sub lapidem sepulchralem non cadit gloria,
potius marmori innixa**

Æternante stabilitate gaudet.

**Ringuntur sibimet ipsis Fata,
quòd ab eorum umbris, clarior evadas.**

**Tota Clarissimus vitâ
quòd à casu fortior assurgas,
extra fabulam Antæus novus.**

In nomine signoq; fortunato

Gentilitiæ Crucis

**Mortalem fueras exorsus vitam;
quam ut immortalem haberes,
magis factis gloriosis, quàm annis vixisti,
Illustribus Natalium Cunis
Tuæ virtutis clariorem lucem affudisti.**

Animò maturò complexus:

*Semper Majorum ceras umbratiles esse,
quas actiones probæ non accendunt.*

Arcana Cæli destinatione

Nomina sortitus, rebus Tuis non inania.

P E T R U S

**immobile acsi conformis petræ
quibulvis in susceptis negotijs,**

lauda-

laudabilem constantiam servâsti.

Ad Cathedras

Sacras & Scholasticas,
quòd fueris designatus;

Nomen dedit omen, probavit eventus,

Vt responderes Tanto Principis Apostolorum Nomini.

Animum principem ubiq; prætulisti,
à Viris Principibus semper æstimatus.

Nobilis petra, potius adamas fuisti,

Doctoralibus insertus Coronis,

ut pretiosus virtute, ita laboribus inconcussus.

Eruditus Artium liberalium Magister,

Doctor & Professor Philosophus,

Satis plurimum in Stoa profecisti

cùm etiam ita mori didiceris,

ut mortem effugeres,

que & fugacem persequitur Virum.

Aristotelico-Thomisticum cursum

Herculeo consumasti labore,

repositam gloriæ obtinuisti coronam.

Purpuratum Artistarum Decanum

gemina egisti vice,

& nunquam doctos non geminabas sudores,
ad multiplicem studentium profectum.

Quot labores, tot prælia sustulisti.

Quot Disputationes, tot certamina,

Victor non una palmâ triumphali dignus.

Omnis amara pugna, Tibi dulcis,

Omnes falsi sudores, nectar.

B

Etiam

Etiam in otio Tibi semper fuit otium operosum.
Quamobrem magnorum Discipulorum
fueras Doctissimus Professor.

*Aurum equidem metallorum optimum,
nisi ad Lidium lapidem probatur.*

Velocissimo ingenio

Aderas Gentilitijs à Vandalin MNISCHORVM Pennis,
altius ut evolarent in honorum sublimia,

Spiritu erudito agitabas.

In fragrantissimas SZEMBECIORUM Rosas,
Celsissimis vernantes honoribus,

Apollineos stillabas latices.

WIELOPOLSCIORVM Sonipedem,

cui pro meta summa culmina,

cum Pegaso novisti sociare.

Sedulus impallescebas libris,

ne ad Purpuram Senatoriam

Poloni erubescerent Achilles.

Exinde Omnium dignus favore,

quem tamen Tibi singularem præstarunt,

Famâ & meritis ultra Polonum Orbem

Vocalissimæ JORDANORUM Tubæ,

ab illis

Ad Beneficium Siepraviense provocatus.

Panegyricô Calamô

Celebraſti OGINSKIANAM Domum

Tuis meritis celeberrimus.

Laude

Laude dignissimus, quòd nolebas laudari,
nec eminere contendebas.

Optimè tibi persuasus:

Sat magnam esse eminentiam, nolle eminere.

Intra rudem concham unio

pretij æstimationem non amittit.

Collegium Majus inhabitans
esse maluisti major, non videri.

Quò nihilominus ab ambitu remotior,
eò tibi intimiores non defuêre honores.

Vrgentibus votorũ Vniversitatis calculis

Præposituram Ecclesiæ D. ANNÆ
acceptasti cum egressu de Collegio,
sed nunquam de affectu Professorum,
aut de Professione Tua.

In Sacra Theologia

Doctorali laurea redimitus

Sanitati Tuæ annis & meritis debilitatæ
in prælegendis lectionibus non parcebas.

Volo Tuam in Superos pietatem innuere,
sed hæc actibûs suis vocalis.

Aris Divorum admotus,

ita homo tractabas Divina,

ut Te hominem ignorares,

Cælestibus mysterijs intentus.

Continuis attenuatus laboribus,

labores non videbaris sentire,
ut esses ad Vineam Christi indefessus Operarius.
Novisti quæ Te concernebat cura,
Vigilantissimum Curatum;
novisti super pauperes intelligere,
Quos Tuis adeò aluisti proventibus,
ut Tuo commodo adimere malueris,
aliorum subveniendo inopiæ.
Accessu facilis, sermone affabilis,
opere benefico gratiofus.
Administratio Sacramentorum
quantæ tibi fuerit curæ & animo?
liquet etiam inde
quòd in Plebanatu ipsam non abhorruisti mortem,
Cracoviæ forsitan adhuc evitandam.
O cæca & Fatua fata!
Novit viam in Cælum
ex quolibet loco LVZENIVS.
Post labores Academicos
pluribûs quàm quadraginta Annis toleratos,
Sub tempus Sacræ Quadragesimæ
è vivis abiit, sed non obiit.
Circa Martij plenilunium
intulit Cælo virtutum plenitudinem,
quam, & Orbis Literarius
nunquam in Decrescenti observabit.
Gloriæ ejus perennantis Stabilitas,
est

est adhuc eò firmior, quò solidius
Tuo gratioſo innititur favori

Magnifice Perilluſtris & Reverendiſſime Domine,

**D. M. JOANNES
LUKINI.**

**U. J. DOCTOR & Profeſſor Eccleſiarum, Cathedra-
lis Cracoviensis CANONICE, Collegiata-
rum, Viſlicienſis & SS. OO. Crac: Primice-
rie, Sławkoviensis PRÆPOSITE, Contu-
berniorum Regio-Jagelloniani & Jurispe-
ritorum PROVISO; Studij Generalis
Universitatis Cracoviensis**

RECTOR Vigilantiſſime,

Indeſſus cùm ſis Orbis Literarij Atlas,
Grande decus columeq; rerum Academicarum,
imminui Stabilitas Gloriæ LUZENIANÆ nequit,
quam ſingularis Protector obfirmas.

Est jam æternitati conjunctus,
à Te voto non diviſus:

Sceptribera Academi Cruce
Boni Superi Tuos multiplicent ſucceſſus,
nec illos audeant infelices attingere caſus.

Aſurgit è tumulo & totus in Te recumbit,
qui vivus Tuo reponebatur in corde:

Perillustris Clarissime & Admodum Reverende Domine.

**D. M. GASPAR
TOPINSKI,**

U. J. Doctor & Professor, Ecclesiarum
Collegiatarum SS. OO. Custos, Pa-
rochialis S. NICOLAI Præposite,

Tristis piè Defuncti non est obitus,
quem Vesoloviensis Præpositus exhilaras.

Imò tantò magis ab umbris vindicas,
quátò lucidiùs in Orbe Academico meritùs clarescis.

Regium Tuum Nomen verentur fata,
nec & audent insultare jacenti;

Latet hìc etiam sub cinere ignis,
& è mortali silice in Te amoris & votorum erumpunt flammæ:

Vive diu superstes, habeasq; faciles ad Tua vota Deos.

Negavit illi vitam propè octogenarium senium,
quod tamen ut immortaliter protraheret,

Tibi Scholæ D. ANNÆ

Seniori Dignissimo adhæsit.

Excell: ac Doctissime Domine

**D. M. ANDREA
KOLENDOWICZ**

Philosophiæ Doctor & Professor.

Bene suam Gentilitiam Crucem

Tuæ

Tuæ Andreanæ conjungendam censuit,
ut à nocivis fatorum impetibus
longè securior esset.

Patrem meritum filiali prosequeris reverentia,
è vivis aliter noluit abire,
nisi in Te suum relinqueret affectum.
Iam æternam adeptus pacem,
Tibi Viro Togato in Orbe Literario
ut militent honores, precatur.
Eundem in Te continuat affectum

Admodum Reverende Domine

CASIMIRE KLARYCKI,

Ecclesiæ Collegiæ S. ANNÆ Zacristiane,
Manus illi fueras dextra,
ideo quidquid pro ornamento Domûs DEI gessit,
nunquam videbatur sinistrum.

Amas utiq; & Tu sponsæ Christi decorem,
quod gratiosæ ANNÆ & JOANNIS CANTIJ
pro Viribus Tuis promoveas honorem.

Ad devotionem facilè alios excitas,
qui dies ac noctes vel in Templo vel ad Templum peragis,
quasi semper Altaribus adesse velles
victima grata DEO.

Quod muneri vestro incumbit

C₂

quod

quod obligatio aut affectus svadet,
 agite Præstites pientissimi,
 Patrem doleatis,
 sed quæ ad solatium ejus gloriæ spectant, perficite.
 Est vester dolor in totam Univesitatem divisus,
 non diminutus.

Omnes cruciantur mærore ,
 Quotquot sceptriferâ referuntur ad Crucē.
 Lenimen doloris maximum est,
 quòd ad portum felicem
 Vtinam propitiò rerum omnium Motore
 persistat ejus perennantis gloriæ stabilitas.



*Quid in omni vita ^{humana} est utile & in dolore sentit
 tristitia latet ac in necessitate utilitatem emolu-
 mentum adfert sed non hoc solum est prout*

Biblioteka Jagiellońska



stdr0019182

